

Landesbibliothek Oldenburg

Digitalisierung von Drucken

Ivs Comitiorvm S.R.G.I. In Interregno

**Ayrer, Georg Heinrich
Strube, Julius Melchior**

Gottingae, [1746?]

VD18 1276969X

XII. Historia Consiliorvm In Interregnis De Restavrands Comitiiis
Agitatorvm. De Continvanda Depvtatione Imperii Post Mortem Ferdinandi
III. 1657.

urn:nbn:de:gbv:45:1-17499

a), congregationem Imperii, quantum potuere, impediuisse. Quae res quantam sub Imperatoribus, tantam & in interregno, posset reipublicae calamitatem concitare.

XII. HISTORIA CONSILIORVM IN INTERREGNIS
DE RESTAVRANDIS COMITIIS AGITATORVM.
DE CONTINUANDA DEPUTATIONE IMPERII
POST MORTEM FERDINANDI

III. 1657.

HIS itaque similibusque hortationibus tantum tributum est, ut inde ab eo tempore, quo res nostrae & forma adeo imperii tutiori loco esse coeperunt, quod per pacem demum Westphalicam factum est, in omnibus interregnis de comitiis conuentibusque cogitatum sit. Horum igitur consiliorum series meretur expendi, ut, per quod steterit, quo minus salutarem vim suam exhibuerint, iudicari inde possit.

Obeunte itaque d. 23. Mart. 1657. FERDINANDO III. non quidem comitia, sed conuentus deputatorum Francofurti ad Moenum congregatus erat. Legati

G 2

hunc

a) vide *Commercii Epistolici* 248. 277.
Leibnitiani Tomum Prodromum p.

hunc constituentes conuenerunt d. 12. Iunii h. a. propositumque est a Moguntino, rescindendane sit deputatio, an, si id displiceret, qua ratione continuanda? Et refert *auctor Diarii Europaei a)*, in diuersas circa hanc quaestionem sententias Electores ceterosque principes abiisse. Sed verius videtur, omnibus initio deputationis continuationem placuisse. Ita enim in interregno 1740. a viris rerum scientibus inuenio adductum; & clara sunt verba Electoris Moguntini in literis de eo negotio ad Electores datis: *Nun gehet uns hiebey nicht unleitlich tief zu Hertzén, wann, wie nicht zu zweifeln, der Abgeordneten Fürsten und Stände Gesandten, bey dieser ihrer Meynung, bevorab solches bereits den $\frac{12}{22}$ Tag Iunius einmüthiglich, in beyden Rathsversammlungen beschlossen, das nemlich diese Reichs-Deputation oder Ausschuss weiter fortzusetzen &c. b)* Deinde autem illud, quod a *Diarii Europaei collectore* memoratur, accidit. Melius enim consultiusque visum est Electoribus, appropinquante electionis die, deputationem vel finire, vel certe ad noui vsque Imperatoris electionem differre. Itaque cum literae Regis

a) *To. I. p. 317.*

b) *v. Diarium Europaeum T. I.*

gis Sueciae d. $\frac{5}{15}$ Iulii h. a. ad deputationem datae d. $\frac{7}{17}$ Septemb. ordinibus a Moguntino proponerentur, d. $\frac{12}{22}$ eiusdem mensis Electorum legati respondere: *dass weil der Wahltag herbey, und sie allein zu diesen und nicht Deputations-Geschäften bevollmächtigt, der Deputations-Tag und dessen Geschäfte bis nach vollbrachter Wahl zu verschieben wäre.* a) Sed id ceteris principibus displicuit, quorum rationes Moguntinus, ipse in has partes inclinans, Electoribus graui & proluxa epistola proposuit. b) Urgebant praesertim periculosa interregni tempora, quae communia salutis publicae consilia prouidamque curam flagitarent; hanc autem non ad solos Electores, sed ad totum Imperium pertinere. Addebat Moguntinus: vtile fore, tandem securitatis publicae negotium, cuius gratia deputatio praecipue conuocata erat, finiri; deputationem nomine totius Imperii congregatam esse, adeoque a solis Electoribus non posse dissolui; denique me-

G 3 tuen-

- a) v. *Diarium Europaeum* To. 181 *Theatro Europaeo* To. VIII. p. 324. 325. p. 56. seq. & A. FRITSCH de *Conuentib. Deputator. Imperii* inter *Opuscul.* p. 415. seq.
- b) Inuenienda in *Diario Europaeo* To. I. p. 411. 416. LONDORP II *Actis Public.* To. VIII. p.

tuendum non esse, ne ea ratione ius capitulandi Electorum detrimentum caperet. Siue enim confociati sint principes, siue non sint, monita ad capitulationem expectanda ab iis esse, reliqua autem tentamina, alia & multiplici ratione, posse cohiberi. Sed id Electoribus non persuasit. *a)* Extant in huius interregni scriptoribus *b)* literae, ab Electore Saxonico ad Landgrauium Hassiae d. 16. Octobr. h. a. scriptae, quibus hortatur, ut principes a deputatione omnibusque illis negotiis desistant, quae moram electioni afferre possint, ostendentes, mansisse in hac sententia Electores. Caruit itaque res, ut videtur, *c)* euentu. Quamuis enim frequentes sint, in actis huius temporis publicis, literae ad deputationem, a principibus exteris datae *d)*; ipsi Legati Principum manserint Francofurti; hosque, ut deputationem constituentes, agnouerint Rex Galliae & Sueciae *e)*; tamen

a) vide responsorias Electoris Bavarici & Saxonici literas apud FRITSCHIVM *c. l.* p. 417 - 420.

b) v. *Diarium Europaeum To. I.* p. 483. 486.

c) *contrarium placet* A. FRITSCH *de Conuentibus Deputat. Imp. O. pusc.* p. 409. SCHWEDER *In-*

trud. in Ius Publ. Part. Spec. Sect. I. cap. 31. §. 6. m. p. 545. LVDEWIG *de Iure adlegandi ordinum S. R. I.* p. 123.

d) v. *Diarium Europaeum To. I.* p. 317. 324. 421.

e) v. *Theatrum Europaeum To. VIII.* p. 57.

men ad finem perductum aliquod esse negotium, non inuenio. Certe Imperator LEOPOLDVS cum Moguntino de restauranda transferendaque Norimbergam deputatione agens literas d. 14. Aug. 1658. ita exorsus est: *P. P. Wir erinnern Uns, was an Uns Ew. Lbd. in Nahmen des gesampren Churfürstl. Collegii wegen Reassumption der nach Franckfurth, inhalts des jüngsten Reichs - Abschieds, gelegten, aber umb der darzwischen kommenden Wahl - Handlung willen eine zeitlang in suspenso gebliebenen ordinari Reichs - Deputation gelangen lassen, das solche nicht allein nothwendig zu continuiren &c. - - - Wie wir Uns nun - die Continuation erst berührter ordinari Reichs - Deputation, und das die abwesende Deputirte von Ew. Lbd. auf den von Hochlöbl. Churfürstlichen Collegio vorgeschlagenen nechstfolgenden ersten Octobris schriftlich dazu citirt werden, gnädigst gefallen lassen &c.* a) Ex quibus non improbabili ratione colligimus, durante interregno nihil ab ipsa deputatione actum esse. b) Nam si id esset, quomodo dici ab Imperatore posset: *das wegen der darzwischen gekommenen Wahlhandlung die Deputation eine zeitlang in suspenso geblieben?*

XIII.

- a) v. Diarium Europaeum To, I. 1ten Session d. 1. Octobr. vorgegangen, extat apud LONDORPIVM p. 966.
 b) Protocolum, was in der ersten Session d. 1. Octobr. vorgegangen, extat apud LONDORPIVM p. 504.



XIII. ENARRATIO EORVM, QVAE 1711. DE CONTINVANDIS PER INTERREGNVM COMITIIS ACTA SVNT.

QVANTO minus post LEOPOLDI Aug. mortem, quod electus iam Rex Romanorum IOSEPHVS esset, aliqua de comitiis habendis quaestio suboriri poterat, tanto maiore ardore, extincto hoc praematura morte, ea res agitata est. Perlato igitur Ratisbonam de morte Imperatoris nuncio, legati, congregationis suae in comitiis remansionem reipublicae utilissimam rati, haud multo post conventiones, vt antea, consueto loco habendas esse, sanxerunt. Huius rei historia apud LVNIGIVM a) his verbis exposita est: *Dienstags den 8. April. A. 1711. wurde extraordinarie zu Rath angesagt, und nachdem sämtliche Herrn Gesandte auf dem Rath - Saal erschienen, geschake von dem Herrn Moguntino folgende Anzeige: Weilen bey eingelauffener betrubten Nachricht von dem unvermutheten Ableiben Ihro Röm. Kayserl. Majest. glorwürdigsten Andenkens, so wohl des hisherig Kayserl. Höchst - Ansehnlichen Herrn Principal Commissarii Hochfürstl. Eminenz, als auch*
einig

a) v. Teutsches Reichs Archiv T. III. p. 355: